

## **Arvelus siitä, kunka Norja työtelee minoriteettikieliin eestä**

**Euroopparaatin eksperttikomitea oon arvelu sitä, kunka Norja oon kuoranu Euroopan regiooni- ja minoriteettikieliin sopimusta, ja antanu konkreettii neuvvoo siitä, millä aloila Norja pitäis työtellä etheenpäin. Komitea kans tunnustaa Norjan työtä minoriteettikieliin eestä. Eksperttikomitea lähättää arveluksen Euroopparaatin ministerikomitealle, ja Ministerikomitea käsittellee sen vuojen 2010 alussa.**

Norja ratifiseerasi Euroopan regiooni- ja minoriteettikieliin sopimuksen – eli Minoriteettikielisolopimuksen – vuona 1993, ja se alkoi toimimhaan 1. marsikuuta 1998. Norjassa kielisolopimuksen alle kuuluthaan saamen kieli, kväänin kieli, romanes ja romani.

Norja oon antanu kesälä 2008 neljänen raportin siitä, kunka se oon työtely Minoriteettikielisolopimuksen kansa. Eksperttikomitea oon tehny arveluksen tämän raportin pohjalta. Lisäksi se oon saanu tiettoo minoriteetin omilta insitušuniilta ja organisašuniilta. Euroopparaati oon kans itte keräny tiettoo.

Eksperttikomitean arveluksessa seissoo, ette Norja häätyis prioriteerata seuraaviita:

- järjestää tervheys- ja hoitoinstitušuniitten palveluksii pohjais-saamen kielelä niilä aloila, jotka kuuluthaan saamen kielen hallintoalhaan
- selvittää luulajansaamen ja etelä-saamen kieliin statuksen, se mikä koskee kielisolopimuksen III-ossaa
- työtellä sen eestä, ette järjestää opetusta luulajansaamen ja etelä-saamen kielestä ja kielelä, tehä oppimateriaalii ja järjestää opettajankoulutusta näilä kielilä
- työtellä sen eestä, ette nostaat esile kväänin kielen, eriliikaisesti opetuksessa ja mediassa
- kehittää ja nostaat esile sekä romanin kielen ja romanes-kielen yhessä niitten ihmisten kans, jotka puhuthaan näitä kielii

Fagdepartimentit, Saametinka ja kansalisten minoriteettiin representantit kattohaan, ette Euroopparaatin lopuliset neuvot nouvatethaan.